



Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 170. Bessarion a quibusdam, aliis reluctantibus, in Papam propositus

[urn:nbn:de:hbz:466:1-66507](https://nbn-resolving.de/urn:nbn:de:hbz:466:1-66507)

les numero quindecim conclave ingre- Sæcul. XV.
diuntur, ac Missa solemni per Cardina- A.C. 1455.
lem Decanum celebrata, aditus Legatis,
ac Christianorum Principum Oratoribus
patuit, qui hora ad vesperam quinta ad
alloquium admissi sunt. Demum Cardi-
nales illi, qui conclavis Principes dicun-
tur, fores sumptis secum clavibus occlu-
di jusserunt.

§. CLXX.

*Bessarion a quibusdam, aliis relu-
ctantibus, in Papam pro-
positus.*

Cardinales conclave ingressi in duas scindebantur partes. Inde factum, ut primæ duæ suffragiorum collectiones incassum peragerentur, in tertia vero Cardinalis Bessarion eligendus proponeretur. Cardinales, qui Bessarioni non favebant, hinc præclara Viri merita, inde sufficientem suffragiorum in eum convenientium numerum considerabant: qua propter collatis cum Cardinale Avenionensi consiliis illius electionem impedire moliebantur. Hos inter Avenionensis acibus verbis suos Collegas in conclavi congregatos increpabat, quod neophytum non ita pridem ab Ecclesia Græca segregatum eligere, & Ecclesiæ Romanæ Græcum Pontificem obtrudere vellent;

Sæcul. XV. vellent; quem tamen non sine timore
 A.C. 1455. ad Papatum admittere deberent, cum de
 sincera ejusdem conversione dubitari
 possit; ajebat etiam, naviculæ S. Petri
 regimen non esse committendum illius
 manibus, qui illam paulo ante submer-
 gere, manibus pedibusque laborasset; En-
 paupertas Ecclesiae latinæ, pergebat Ave-
 nionensis, quæ virum non reperit summo
*Apostolatu dignum, nisi ad Græcos recur-
 rat.* Pluribus aliis in unum congregatis
 illos, qui Bessarioni favebant, a sententia
 dimovere conabatur, tantaque verborum
 vi, ac rationum pondere differebat, ut
 facto scrutinio potior pars a Bessarione
 deficeret.

§. CLXXI.

*Alphonsus Borgia in Pontificem
 electus.*

Comment. Cum duæ partes Collegii in unum con-
 Pi II. lib. I. venire non possent, præter omnem
 populi expectationem Pontifex eligitur
 Alphonsus Borgia Valentiæ in Hispania
 natus, Cardinalis tituli SS. quatuor Cor-
 onatorum. Hic ex nobilissima familia
 ortus, Vir erat in dijudicandis causis acri
 judicio præditus, ac in rebus gerendis
 prudentia eximius, sed jam prope decre-
 pitus; nam annum septuagesimum octa-
 vum attigerat. Evidem Nicolao V. fa-
 tis